

敬禮敬禮恩師尊 於諸恩中最為勝
三種世間咸供養 面貌容顏人樂觀
種種妙德以嚴飾 目如澄海日光明
福智光明名稱滿 譬如無價摩尼珠
我今讚嘆最勝尊 悉能成辦所求心
真實功德妙吉祥 譬如蓮花極清淨
身色端嚴皆樂見 眾相稀有不思議
能放無垢智光明 於諸念中最為勝
猶如獅子獸中王 常以妙德自莊嚴
執持三乘清淨戒 饒益自他德相圓
端正樂見如滿月 言詞無滯出和音
若有眾生心願求 善事隨念令圓滿
弟子諸天咸供養 皆共稱讚可皈依
眾德能生不思議 一切時處起恭敬